

四庫全書

子部

欽定四庫全書

續名醫類案卷七

錢塘魏之琇撰

傷寒

孫文垣治王祖泉乃春朝飯後稍寒惡風發熱

傷風惡風

遍

身疼痛汗大出不止

傷風則有汗

口中熱腹中不知餓小

水短

肺金而汗不利多也

六脉皆濇

營衛不和

投以白芍五錢白朮

二錢桂皮黃芩各一錢甘草八分二帖汗止寒熱除

去白朮加當歸身痛亦愈

費一吾六弟婦遍身痛發熱汗大出昏昏如醉臥不能

起孫診之兩寸短弱六脉皆數而無力此勞倦之餘

故汗大走也

身痛發熱
不屬傷風

黃耆三錢白芍四錢甘草一

錢五分桂皮八分當歸一錢石斛二錢

與前藥俱就
建中加減孫

于稟症多
用此方

一帖除熱痛汗皆止惟倦不能起前方加

人參陳皮兩帖而痊

一婦人先傷風發熱咳嗽二日乃分娩熱尚未退食難

地一兩六錢當歸五錢炮薑八分屬其急煎服遲則
不及第得藥下咽則活矣抵暮來告病者不知飲藥
以匙抄灌數口喉間汨汨有聲遂全盞傾與少頃果
目開口閉能轉側似大有生機求再往診曰無庸但
以前方再判一劑并前查濃煎與服可也明日視之
神氣清明脉亦圓穩第稱口燥舌乾小便短澁夜卧
不寧就前方去炮薑加沙參麥冬一服汗出遍身能
進粥矣再以前方加減而愈

續名醫類案卷六

欽定四庫全書

續名醫類案卷七

錢塘魏之琇撰

傷寒

孫文垣治王祖泉乃春朝飯後稍寒惡風發熱

傷風惡風

遍

身疼痛汗大出不止

傷風則有汗

口中熱腹中不知餓小

水短

肺金而汗不利多也

六脉皆濇

營衛不和

投以白芍五錢白朮

二錢桂皮黃芩各一錢甘草八分二帖汗止寒熱除

去白朮加當歸身痛亦愈

費一吾六弟婦遍身痛發熱汗大出昏昏如醉臥不能起孫診之兩寸短弱六脉皆數而無力此勞倦之餘

故汗大走也

身痛發熱
不屬傷風

黃耆三錢白芍四錢甘草一

錢五分桂皮八分當歸一錢石斛二錢

與前藥俱就
建中加減孫

于稌症多
用此方

一帖除熱痛汗皆止惟倦不能起前方加

人參陳皮兩帖而痊

一婦人先傷風發熱咳嗽二日乃分娩熱尚未退食雞

汁肉等太早嗽熱愈盛已八月矣胸膈脹痛頭痛口

渴大便秘

肺氣壅而血液燥也

咳出之痰色黑而臭小水短少

脇下扯痛氣逆而喘不得卧右脇不能着席汗出不

止症甚危以瓜蒌五錢蘇子一錢枳殼酒芩各六分

前胡桔梗各五分甘草三分薑三片

製方甚妙

服之胸膈

減半喘少定再進前藥大便秘用蜜棗調

不能大劑生地乃出此

熱盡退諸症尋愈

胡鏡陽尊堂年七十二脾泄十五年不愈近加吐紅咳

嗽痰多痰不易出

肺金壅滯可知

申酉時潮熱胸膈壅塞不

能就枕飲食大減且惡風終日坐慢中諸醫謂發熱

吐紅法當寒涼脾泄多年氣虛老蓐法當溫補二症

矛盾難於投劑且身熱大血家所忌束手無策皆辭

去孫診之兩手脈皆浮洪而數皆帶滑據脈洪數皆

為熱滑為痰浮為風邪在表以傷風故惡風法當清

解可無恙也謂二病矛盾者暗於先後者也夫脾泄

已久未嘗為害新病熱熾宜當速去所謂急則治標

俟邪去後補脾未晚且潮熱為風邪所致之熱非陰
虛火動之熱吐血乃當汗不汗之血非陰虛火動之
血經云奪血者無汗奪汗者無血當汗不汗邪鼓血
動但得表解熱退血自止耳胡曰昔老母過錢唐遇
風濤受驚因發熱咳嗽血出痰多今公言質之誠由
風邪起病也用蘇子前胡麻黃薄荷解表為君枳殼
桔梗桑白皮瓜蒌紫菀貝母消痰治咳為臣酒苓甘
草為佐二帖五更微汗而熱退胸膈不塞咳亦少減

血止大半始進粥次日減麻黃加茯苓夜服七制化痰丸咳又減半自是不惡風而去慢矣前方減枳殼加苡仁調理而安

黃履素曰予弱冠患傷風不牀第每晨起即鼻重流涕竟日痰不絕口畱連月餘遂見痰中縷血遺害無窮諺云傷風不醒結成勞蓋金水二藏情關子母金傷則不能生水子瀉則其母愈虛水不能制火乘金而金益敗此勞咳之症所由成耳信乎傷風雖小病最

不可不慎者故補脾保脾乃養生家第一義而肺病極宜斷色慾相關相應捷於影響

又曰予臨場慮不耐風寒合玉屏風散服之反自汗津津不止蓋防風黃耆各等分之謬也本草云黃耆得防風其功愈大黃耆七分配防風三分斯得之矣

凡傷

未經和解此方斷不可服慎之

喻嘉言治石開曉傷風咳嗽未嘗發熱自覺急迫欲死呼吸不能相續診之見其頭面赤紅躁擾不歇脈亦

豁大而空謂曰此症頗奇全似傷寒戴陽症何以傷風小恙亦有之急宜用人參附子等藥溫補下元收回陽氣不然子丑時一身大汗脫陽而死矣渠不以為然及日落陽不用事愈慌亂不能少支忙服前藥服後稍寧片刻又為牀側同寢一人逼出其汗如雨再用一劑汗止身安咳嗽俱不作詢其所由云連服蘇黃藥四劑遂爾躁急欲死然後知傷風亦有戴陽症與傷寒無別絕因其人平素下虛是以真陽易於

上越耳

傷風而服麻黃至四劑即壯實人亦不能無害劫下虛者哉

盧不遠治嚴忍公內人病發熱無汗

傷風亦多無汗

嘔吐不止

脈反沉弱

傷風脈當浮今沉故曰反

人皆以為少陰症盧脈之沉

弱中獨右關表弦而中滑蓋風邪挾胃中水飲停積所致用乾葛半夏吳萸黃連急煎緩服嘔吐遂止而熱轉盛復診視勢欲浮命其進粥皆不敢予再三強之呷濃米飯半杯遂有汗而熱平再進薄粥汗多而熱退乃問曰風寒之邪世俗大禁飲食今啜粥而熱退

何也曰風之與寒原自有別蓋溷之耳仲景桂枝湯治風服已啜粥古人之精義也蓋風者木也木剋土脾胃受之仲景治法妙在不治風木直欲濕土氣行而風木之邪自散今熱轉盛而脈勢欲浮是風邪欲散也非穀氣揚溢則胃力孱弱汗從何來是借桂枝之義以除風邪之不能汗者

按傷寒及感症日久津液既枯不能行汗必得大劑三才一氣湯一服乃蒸變為汗而愈若多服風藥及

香燥者藥入必大作脹一二時許然後來蘇後賢
以此為內託之奇予謂仍是仲景啜粥法耳後人
安能越古人之範圍哉

已丑九月二十四日注

吳浮先治盧敬菴暑月寒傷服羌防發散汗出已愈後
復感冒又用發散旋愈旋感冒前藥不應吳曰屢散不
愈肺已虛徒攻表而不救表風邪乘虛而入無已時
矣方用君黃耆五錢實肝氣以固衛佐防風一錢助
耆力以祛邪

玉屏風散

如是則舊邪無所容而新邪無所

入也二帖而痊

愚謂傷風一症殊為小恙有寒燠不時衣被失節而成者此必鼻塞聲重咳嗽多痰在元氣平和之人即弗藥自愈水素虧肝火自然不過因一時風寒所束遂作乾咳喉痛此外邪本輕內傷實重醫者不察縱與表散致鼓其風木之火上炎反令發熱頭痛繼又寒熱往來益與清解不至十劑肝腎與肺三藏已傷損無遺久者周年近者百日溘然

逝矣而世俗談者咸以傷風不醒便成勞為言噫

彼勞者豈真由傷風而成也耶愚哉言也

己丑九月二十

四日黃昏信筆書當易之
曰傷風誤表必成勞耳

柴嶼青曰乙丑新正張妹婿家人之婿董四患傷風

來寓求診即決其不治內人曰彼少年粗人傷風小

病何遽若此柴曰脈象已敗不可為也後果

此必肝
腎大傷

之候
也

張三錫治一人傷風自汗發熱不止自以為虛服補中

益氣湯熱轉劇診之脈弦而長實有力與升麻葛根

湯倍白朮加桂枝少許一劑汗止熱浮

治法彙

一人瀉而左脈浮急自汗鼻塞乃傷風作瀉也與五苓

散加防風白芷升麻葛根薑蔥煎服

全上

陸肖愚治吳遜齋夫人年六旬外素有脾泄之症三月

間患咳嗽吐血痰多而咯之不易出日潮熱胸膈支結

不能就枕畏風畏寒或以脈數吐紅身熱咳嗽皆血虛

大盛也與養血清涼與六君子湯瀉未已而痰壅益

加遂一以吐血不宜身熱脈數一以泄瀉不宜身熱
脈大俱辭不治脈之左寸關浮洪右寸關滑數兩尺
弱此表邪不清也蓋脾泄乃宿痰吐血乃素氣之鬱
耳詢之果受風數日後而病作用炒黑麻黃蘇葉前
胡解表為君杏仁蘇子陳皮利氣為臣桑皮片苓花
粉石膏清熱為佐甘草桔梗散膈和中為使二劑症
微汗症頓減去麻黃蘇葉石膏加白芍茯苓二劑症
如失與丸方治其脾瀉人參白朮茯苓為君白芍霞

天麴為臣炙草乾薑砂仁為佐棗肉神麴糊為丸以
為使服數旬而痊

陸祖愚治陳理刑因勞頓後頭疼鼻塞咳嗽胸膈不利
咽乾身熱行動即有微汗有痰不能咯出兩寸浮弦
而數左關弦緊右關弦滑兩寸平和先用疎解利氣
二劑繼加入養血二劑二三日間諸症頓愈

薛立齋治一婦人素清苦勤于女工因感風邪自用表
散之劑反朝寒暮熱自汗盜汗形氣甚虛其脈或浮

洪或微細其面或青白或痿黃此邪去而氣血愈虛
也用十全大補湯三十餘劑漸愈又用加味逍遙散
兼治半載而痊

琇按傷風誤表多成勞損觀此可鑒

林觀子治一婦人浴後被風遂自汗出身熱然無頭痛
體痛惡風諸症旬日來襍治皆不效其胸以上痞膈
漸至湯飲到喉而止脈之關以上微浮此瓜蒂散症
也其人素虛與桔梗蘆一兩煎服到咽一吐悉涎濁

酸穢之物又與一服再得吐始快然熱遂除調理數日而安

毛氏子傷風喘咳復以飲食起居失調遷延轉劇診之面色枯白夢泄不禁飲食減少喘嗽發熱兩脈虛微知其喘為真氣上脫熱為陽氣外散不與陰氣純虛者同面色枯白脾肺氣虛而不榮也飲食減少脾胃氣弱而不化也夢泄不禁腎臟氣衰而不固也此皆本氣為病用人參二錢黃耆三錢肉桂五分炙草五

分茯苓一錢半麴一錢橘紅八分服數劑喘漸平熱
漸退隨與大造膏調理飲食進而神旺如初

朱翰文偶患風寒小疾或以麻黃大發其汗出不止遂
致語言短怯神氣不收面色枯白時有寒熱已瀕危
診其兩脈微瀼而虛虛則氣少瀼則陰傷此元氣津
液兩傷之候也傷風小症何遽至此蓋以麻黃辛甘
氣溫為傷寒發熱重劑今不當用而用之不特却其
津液外亡并元氣亦因之內脫矣治法為陰陽兩補

用人參製首烏茯苓白朮丹皮甘草廣皮半麴等三劑脈象有神諸症漸已漸加耆朮而安

與喻嘉言
案合參

劉雲密曰丁酉臘人病頭痛惡風鼻出清涕兼以咳嗽痰甚一時多患此用冬時傷風之劑而愈者固然多殊治者亦不少蓋是年君火在泉終之氣乃君火客氣為主氣寒水所勝經曰主勝客者逆夫火乃氣之主故雖不同於傷寒之邪入經然寒氣已逆而上行反居火位火氣不得達矣所以雖同于風投以風劑

如羌活輩則反劇蓋耗氣而火愈虛也至如桂枝湯
之有白芍固不能當即桂枝僅泄表實而能如麻黃
能透水中之真陽以出也故愚先治其標用乾薑理
中湯佐五苓散退寒痰寒水之上逆乃治其本用麻
黃湯去杏仁佐以乾薑人參川芎半夏微微取汗守
此方因病進退而稍加減之皆未脫麻黃但有補劑
不取汗矣病者乃得霍然

聶久吾曰一友以醫自負稟性素熱慣服涼藥在京朝

覲因傷風久咳求方于予予曰咳因風寒必先除寒
邪而後可以清熱先用桑杏麻黃防風等彼自是已
見以為素不用燥藥單用庖苓花粉等涼劑服多一
日聲啞不出復求治乃戒之曰公能任吾意用藥勿
叅己見則聲可立出若必自用不敢與聞彼不得已
而聽予因與加味三拗湯一劑未畢而聲出矣杏仁
二錢麻黃二錢生甘草五分羌活桔梗各五分防風一錢生薑
三錢水煎帶熱服

孫敦夫女十歲許冬月感冒微咳喘科與發散太過反
致長熱不退更醫投六君子加炮薑五味一劑熱退
矣而咳嗽轉甚下利頻併裡急後重中有白膿醫以
熱退為藥對症再與之則面赤口燥惡食不眠余適
診其大父因求視脈之虛而馭曰四劑可愈然必少
衄血與生地杞子各四錢天麥冬萸仁各錢半乃訖
曰今病已洩瀉又從而滑利之寧不增劇乎余笑曰
第服之病自減乃姑進半鍾覺咳利稍瘥遂連進二

劑果愈四五再以前方加酒苓酒芍各一錢二劑血小蓋全安或問故曰兒稟素弱所病即俗名火傷風也不治亦愈乃以荊防廣半芎蘇前桔諸燥竈鼓動其三焦之火至陽擾而熱盛後醫謂虛是矣宜以甘寒潤澤與之則症自平乃用六君燥補加以炮薑之辛溫五味之酸斂藉人參之力而熱退其內燔之火盡入于肺若傷寒傳裡然肺熱甚則下迫大腸而為利矣其中白膿乃燥金壅熱所化與痢疾正同茲

但養其榮氣潤燥清熱病自愈也又問何以知其當
衄曰初時下利則火從下泄利止餘熱反走諸絡而
上溢否則炮薑五味之性何由消釋其衄也亦猶傷
寒陽明熱邪得紅汗而解耳

暑

許叔微治一人頭痛身熱心煩燥渴診其脈大而虛授
以白虎湯數服愈仲景云脈虛身熱得之傷暑又云其
脈弦細孔遲何也素問曰寒傷形熱傷氣蓋傷氣不

傷形則氣消而脈虛弱所謂弦細芤遲者皆虛脈也
仲景以弦為陰朱龐亦云中暑脈微細則虛可知

癸丑年故人王彥龍作毗陵倉官季夏時病胸項多汗
兩足逆冷譫語醫者不曉襍進藥已經旬日診之其
脈關前濡關後數曰當作濕溫治之蓋先受暑後受
濕暑濕相搏是名濕溫先以白虎加人參湯次白虎
加蒼朮湯頭痛漸退足漸溫汗漸止三日愈此名賊
邪誤用藥有死之理有人難曰何名賊邪曰難經云

五邪有實邪有虛邪正邪微邪賊邪從後來者曰虛
邪從前來者曰實邪從所不勝來者為賊邪從所勝
來者為微邪自病者為正邪假令心病中暑為正邪
中濕得之為賊邪五邪之中最逆也難經曰濕溫之
脈陽濡而弱陰小急濡弱見於陽部濕氣搏暑也小
急見於陰部署氣蒸濕也故經曰暑濕相搏名曰濕
溫是為賊邪也不特此也予素有停飲之疾每至暑
月汗兩足熱熱未嘗乾每服此藥二三盞即愈

張子和治小鄭年十五田中中暑頭痛困臥不起張以
雙解散汗之又以米醋湯投之未解薄晚又以三花
神祐丸大下之遂愈

張史年七十一暑月田中因饑困傷暑食飲不進時時
嘔吐口中常流痰水腹脇作痛醫者藥用平胃散理
中丸導氣丸不效又加針灸皆云胃冷乃問張張曰
痰屬胃胃熱不收故流痰水以公年高不敢上涌乃
使一筋探之不藥而吐之痰涎一升次用黃連清心

散導飲丸玉露散以調之飲食加進惟大便秘以生薑大棗煎調胃承氣湯一兩奪之遂愈

萬密齋治縣丞李天泉六月中暑服痛渠有婢妾醫謂

病寒進理中湯一劑痛止乃發熱一身骨節盡痛又

進十神湯發汗熱退身不痛矣萬候之李稱病愈觀

其面色帶赤知病未解請脈之洪滑而數

色脈相對

經曰

大則病進今汗後脈猶洪數病方進也而彼自稱愈萬去未食頃而病作矣滿腹急痛狀如奔豚上下左

右衆手按摩亟萬至曰汝先診脈不言而去知我病也幸急救我萬曰無傷乃進建中湯一服而痛定次日有省祭官萬朴來問疾朴善醫診之且駭且顧李亦疑懼萬診之謂朴曰汝怪其脈之促止乎蓋心下怔忡故脈如是耳李即應曰我心下跳亂不寧即命取藥方用人參麥冬甘草白芍生地五味獷猪心煮湯煎一服心跳止脈不促矣蓋心惡熱用熱治熱向服理中十神皆犯禁故病復作也

李少華知醫六月得暑病服九味羌活湯一劑汗出不
解謂藥劑小發汗不透復作大劑服之汗大泄而熱
轉甚連進三劑病益亟如癡如狂舌強言語蹇澁手
足掣動小便不利莖中痛以手捏之纔下一二滴不
食能唯飲水萬脈之微弱而遲或問病可治否曰壞
病也醫之過耳心惡熱壯火食氣方今盛夏火氣正
壯而重發其汗汗之過多則傷心心藏神如狂如癡
者神氣亂也

非畜血

舌內應乎心汗多則血虛不能榮

舌故強不能言也手中掣動者汗多筋惕肉瞤也

非中

風

渴飲水也汗多津液涸

非陽明發渴

小便不利者心移

熱于小腸小腸移熱于膀胱津液少而氣不化故莖中痛連服五劑而愈

汪懷江中暑復傷食一醫用五積燥熱之劑陽氣外散陰津內竭陽強陰弱故皮膚燥而無汗當先養其陰以制其陽使汗出而表和遂以涼膈散去大黃芒硝加知母石膏淡豉竹葉一服微汗出而身潤矣方議

下之又一醫至稱是陰虛火動不可下也用四物湯加炒乾薑觸動陽明之火齒縫出血足冷成陽厥矣乃服非涼膈散服之利三行而病愈

龔子才治一婦人暑月因廚房熱極遂出當風處脫衣乘涼即頭痛發熱惡寒身痛醫誤為傷寒用附子理中湯一服下咽立時不語口中無氣唇口青紫心頭微溫診之六脈洪大而數此熱症誤用熱藥令以燒酒噴其胸將鏡撲之更以新汲水蜜用雞翎沃入其

口數次少頃患人即伸舌探水以益元湯灌下即活
李士材治張邑尊令郎六月間未申時暈絕不知人更
餘未甦此得之生冷太過也卑角末吹鼻中無涕舉
家驚惶教以卑角灰存性新汲水灌之更取沈檀焚
之俾香氣滿室以達其竅至子後方甦服十味香薷
飲而安

吳寧先治一人奔馳烈日下忽患頭疼發熱或時煩躁
汗大出大渴引飲喘急乏氣服香薷飲尤甚此暑症

也然受暑有陽有陰道途勞役之人所受者炎熱名
曰陽暑亭館安逸得之為中暑也香薷飲只宜于陰
暑若陽暑服之反為害矣與人參白虎湯而愈

董仁仲當暑天納涼飲冷忽頭疼發熱霍亂吐瀉煩燥
口渴舌胎白滑此陰暑也得之過於寒涼致周身陽
氣為陰邪所遏宜香薷之辛熱發越陽氣散水和脾
四劑而愈

一芻蕘婦夏月貪涼飲冷胸前如有一團之火冷水涼

茶入咽覺從火團上分流而下目則羞明畏火口鼻
間頻出火氣診之六脈俱陰舌胎青紫而滑吳曰此
寒格反見熱化也與乾肉桂溫散少加黃連為向導
移時覺胸中之火頓化清涼而愈

孫文垣治弟淑南額痛遍身疼口乾舌胎黃厚左脈浮
大六部俱數時當仲秋初旬以小柴胡合白虎湯加
羌活熱不退下午用六神通解散以葱湯調服三錢
熱稍退至半夜後又復熱額疼顛項尤甚舌根黃且

焦黑小水赤痛煩躁不睡遍身又痛此三陽合病暑
症也次日以小柴胡大加石膏為君藁本白芷竹葉
粳米生薑大棗少頃汗出至足必至足乃熱始盡退
猶煩躁不睡仍以小柴胡湯加桂枝山梔竹茹竹葉
飲下遂愈

張玉路治內兄顧九玉大暑中患胸痞顙脹脈得虛大
而濡氣口獨顯滑象此濕熱泛濫於膈上也與清暑
益氣二劑顙脹止而胸痞不除與半夏瀉心湯減炮

薑去大棗加枳實一服而愈

范文學孫振麟於大暑中患厥冷自利六脈弦細訖遲按之欲絕舌色淡白中心墨潤無胎口鼻氣息微冷陽縮入腹精滑如冰問其所起之由因臥地晝寢受寒是連走精二度忽覺顙脹如山坐起暈倒四肢厥逆腹痛自利胸中兀兀欲吐口中喃喃妄言與濕溫之症不殊醫者誤為停食感冒與發散消導二劑服後胸前頭項汗出如流背上愈加畏寒下體如冰一

日昏憤數次此陰寒挾暑入手中足少陰之候緣腎
中真陽虛極所以不能發熱遂擬四逆加人參湯方
用人參一兩熟附三錢炮薑二錢炙甘草二錢晝夜
兼進三日中連進六劑決定第四日寅刻回陽是日
悉屏薑附改用保元方用人參五錢黃耆三錢炙甘
草二錢五味子一錢清肅膈上虛陰四劑食進改用
生料六味加麥冬五味每服用熟地八錢以救下焦
將竭之水使陰平陽秘精神乃治

申菽旆觸熱過梁溪歸而眩暈麻瞽發熱便秘服黃連
香薷不應用涼膈散便通或時昏眩不省或時四肢
清冷而晡時為甚診之脈弦細而芤此暑傷心也陽
氣鬱伏所以有似陰寒也與生脈合保元清理肺胃
則色絡自寧矣

柴嶼青治陳忍之患病醫以溫散之藥投之遂至徹夜
不能合眼時見鬼物兩脈沉伏症屬受暑用加減清
暑益氣湯去人參一劑勢減六脈俱現洪大再服六

一散數劑而病退惟夜間尚不能熟睡遂以滋補安神之劑調理而安

壬戌夏五營繕朱載常早間入署輿中嘔吐昏憤遺尿醫以中風治開附子理中湯加殭蠶後又以兩脈鼓指危篤已極參附尚少恐難挽回柴曰此暑風也脈無死象力保無事伊同寓水部錢築巖不信急煎前藥將進幸永中朱汝能進以六一散一服神氣稍定錢雖不醫固知六一散之與理中冰炭因停前藥次

日遂以黃連香薷飲加羌活治之調理數日而康

陸祖愚治一人七月間因構訟事食冷粥數碗少頃即吐出自此茶飲皆吐頭痛身熱咽喉不利昏冒口中常流痰涎醫知為中暑用冷香薷飲投之隨吐又井水調益元散投之亦吐昏沉益甚脈之陽部洪數無倫陰部沉微無力此邪在上焦在上者因而越之此宜吐者也蓋饑餓之時胃中空虛暑熱之氣乘虛而入於胃胃熱極而以寒冷之水飲投之冷熱相反所

以水入即吐即口中流涎亦胃熱上涎之故也因用
沸湯入鹽少許薑汁數匙乘熱灌之至二三碗不吐
至一時許方大吐水飲與痰涎同出約盆許即以生
脈散投之人事清爽諸症頓減又合四物調理而安
張紹甫治一人暑月患頭痛身熱昏睡大渴引飲衆以
感冒治不効診之脈大而虛曰此暑症也即令撤幔
開窗前後左右各置涼水頓覺清爽仍令二童食以
西瓜取其便連飲四五鍾即愈

張為諸生時萬歷戊子夏患暑症勢極氣索瞽然自憤
庸醫以為內傷或以為勞役中折幾不自持微醫汪
韞玉適在旁蹙然曰心煩面垢此暑症也何多指聞
者皆駭其名予予瞽中微解依之服益元散二劑而
蘇仍調以香薷飲數劑而愈

傷寒全書名鳳達天啓
年間刊

李无垢治朱竹垞夫人馮氏病熱七日不汗後七日又
不汗踰二旬矣諸醫皆云傷寒不可治請辦喪其朱
乃要李徒步登閣診視无垢笑曰君夫人所居閣四

面俱木圖之木生火觸暑脈伏耳臟腑無他恙也亟以甘瓜井水投之可不藥愈從其言越宿而舖糜再

宿主中饋如故

縣書亭集

文選姚海山中暑頭痛發熱氣高而喘肢體倦怠兩手麻木胃熱傷元氣用人參益氣湯頓安又用補中益氣湯加麥冬五味而痊

昔有人暑月深歲不出因客至而坐于窗下忽以倦怠力疲自作補湯服之反劇醫問其由連進香薷飲兩

服而安

萬密齋養
生四要

馬元儀治陸太史時值秋暑偶發熱頭痛診得脈大而
虛謂中氣大虛非補不克彼云傷暑小恙況飲食不
甚減起居不甚衰何虛之有但清暑調中去邪即已
何用補為乃勉與清暑益氣而別明晨復診脈之大
者變為虛微發熱如故曰今日不惟用補更當用溫
宜亟服之遲則生變矣遂用理中湯服下少頃汗出
如涌泉午後復診兩脈虛微特甚汗如貫珠乃連進

人參四兩附子兩許兩日夜約用人參十兩附子四兩汗止精臟漸調而愈

任邱裴在澗棄家逃禪持戒茹素遍遊五岳足迹幾遍

天下偶客金陵壇寓西禪寺僧舍酷暑中坐卧小樓

日持準提咒三千念佛號三萬

未是俊物

忽患頭痛如斧

劈身熱發躁口乾日飲冷水斗餘渴猶未解自分必

死莊斂之憐其旅病時過視疾一日急走倉頭召斂

之永訣以所攜書畫翫器授斂之泣而言曰

未嘗得道

兄

其為我收藏吾死後切勿用世俗禮葬我惟以兩缸
盛吾尸其中以三尺地葬之耳歛之涕泗填胸束手
無策余此時遊梁溪陽羨間歛之命余僕克勤相追
歸視其脈知係受暑為疏竹葉石膏湯方歛之如方
製藥躬為煎服不二劑熱渴俱止幾十劑病始退旋
加健脾藥十餘帖而安

鋪排點綴其實與醫案無謂
姑仍其舊以見後人之陋廣

記

來天培治蔡氏女病經六七日時七月初旬發熱頭疼

腹痛胸滿煩燥渴目閉神昏時有獨語脈浮細而數
按之模糊問曾手足抽掣乎曰然曰此俗所謂暑風
傷寒也用香薷青蒿羌防枳桔秦艽鉤藤菖蒲夏麴
藿香柴胡黃連一劑症減神漸清脈略前方去羌活
菖蒲枳桔香薷加廣皮厚朴花粉丹皮一劑漸安惟
未熟盡退此津液不生之故耳改用生地麥冬茯苓
花粉黃芩石斛廣皮穀芽夏麴又二劑全痊

沈明生治王明甫長夏神昏不語伏枕信宿午前往視

曰脈虛自熱此中暑耳非風也曷不用參其長君曰
早間一友因用參而轉增煩懣向用幾何曰五分曰
宜其轉甚也當四倍之乃克有濟耳乃睥眄不信因
曉之曰凡參多用則壅滯今病正合東垣避暑于深
堂大厦得之者屬陰且古人用清暑益氣人參白虎
生脈散等方皆中暑門中要劑俱有人參又何慮之
有乃殊不信復理喻再三乃終不信欲辭去而阻于
暴雨強留午餐因再謂曷不就此時如議進藥脫有

不安可用法立解也于是勉從以進猶惴惴焉惟恐
增脹既而殊寧靜逾時神思少清間吐一二語始用
參不疑調治浹旬竟得全愈

陳子佩治一人八月間發熱譫語不食又不大便諸醫
皆以為傷寒始而表繼而下俱不應延至五十餘日
投以人參熱稍減參少則又復熱于是益疑其虛也
峻補之然不便不食如故診之六脈平和絕無死狀
謂傷寒無五十日餘不便不食而不死之理聞病者

夏月治喪往來奔走必是中暑無疑誤以傷寒治之
又投以人參補劑暑得補而愈不解故至此耳當與
六一散以涼水調服病者欲之雖多與不妨服已即
睡之醒即便後思數日愈

吳橋治吳鴻臚妻年三十形故肥當暑而殮如常誥朝
不起啟視之瞑目昏憤口舌唇吻皆色深黑痰如鼓
鞀有聲勻飲不能下咽即千金藥無所用逆橋至六
脈浮濡謂鴻臚曰是本風痰兼中暑故爾即以厚香

需飲灌牛黃丸輒能下痰聲殺爾更進少選黑色退而為黥薄暮色如羊肝結朝紫微爾出入者方加補劑五日始張目能言逾日如故

太亟集

章岩賜病挾口者再矣始而發熱甚而發斑太甚則楯衣摸牀昏瞶五日不食診之脈無異徵獨故所進諸藥雜進無序則予黃連香薷石膏湯一服而蘇再服而去者大半三而全愈

太亟集

濕

薛立齋治一婦人肥胖頭目眩暈肢體麻木腿足痿軟
自汗身重其脈滑數按之沉緩此濕熱乘虛也用清
燥羌活二湯漸愈更佐以加味逍遙散全安

趙養葵治一人宦遊京師病腿腫發熱不能履地衆以
為腿癰延趙視之扶掖而出趙曰非癰也以補中益
氣湯加羌活防風各一錢

此開鬼
門例

一服如失次日乘

馬來謝

趙養葵自病患陰丸一枚腫如鴨卵以濕症治之不效

細思之數日前從定海小船回有濕布風帆在坐下

比上岸始覺以意逆之此感寒濕在腎九也乃用六

味地黄

此紫淨府例

加柴胡吳萸肉桂各一錢獨活五分

一服熱退再服腫消後有患偏墜者此方多效

亦惟寒濕

者宜之若厥陰燥

火鬱結者不宜服

孫文垣治沈大官左膝腫痛不能起止者半年大便日瀉

三次脈之弦緊曰此脾虛濕熱凝於經絡流於下部

也腫屬濕痛屬火用蒼朮黃柏苡仁為君澤瀉豬苓

五加皮為臣炙甘草防風桂枝為佐木通為使四帖
痛減腫消泄瀉亦上改用蒼耳子五加皮苡仁當歸
枸杞杜仲丹參黃柏烏藥葉酒糊為丸調理月餘步
履如故

吳孚先治一人風濕骨節掣痛不能屈伸遍身俱痛醫
以麻黃湯發汗汗大出而腫不退吳曰前方未嘗謬
也但宜微汗之今過汗風去而濕未除故不愈也

說本

仲景桂枝湯症

與胃苓湯二帖而瘳

張子和治李文卿兩膝癢屈伸有聲剝剝然或以為骨鳴張曰非也骨不戛焉能鳴此筋濕也濕則筋急有獨緩者緩者不鳴急者鳴也若用藥一涌一瀉上下去其水則自無聲矣從其言既而果愈

丹溪治朱秀才久坐受濕能飲酒下血以苦澁藥兜之遂成腫疾而壯足皆腫口渴中滿無力少汗脈澁而短乃血為濕氣所傷法當行濕順氣清熱化積用滑石一錢五分白朮五分木通七分厚朴五分乾葛

五分蒼朮三分蘇葉七片水煎次第下保和丸與點
丸溫中丸各五十丸

馮官人因內有濕積兼時令濕熱右腿少陽分發爛瘡
如掌大痒甚两手脈洪緩略數面目手足俱虛腫膈
中午前痞悶午後腫到兩足則膈寬茯苓木通蒼朮
犀角枳殼炒各五分陳皮連翹白朮各一錢甘草二
分加薑汁煎服

朱恕八哥肚腫因濕氣起自五月能飲酒左脇有塊兩

足時腫白水三稜醋炒木通陳皮赤茯苓海金沙厚朴各五分甘草二分肉桂三分煎湯下保和丸三十溫中丸三十柳青丸十九

張三錫治一人體厚自覺遍身沉重難於轉側兩膝時腫痛不紅不硬六脈濡弱天陰更甚因作溫鬱治加減羌活勝濕湯不十劑愈

許叔微治王彥龍季夏時病胸脇多汗兩足逆冷譫語醫者不曉雜進藥已旬日診之脈關前濡關後數曰

當作濕溫治之先以白虎加人參湯次白虎加蒼朮湯頭痛漸退足漸溫汗漸止三日愈此名賊邪誤用藥有死之理有人難曰何名賊邪曰難經五邪假令心病中暑為正邪中濕得之為賊邪心先受暑而濕邪乘之水尅火從所不勝斯謂之賊邪五邪中之最逆也又曰濕溫之脈陽濡而弱陰小而急濡弱見於陽部濕氣搏暑也小急見於陰部暑氣蒸濕也故曰暑濕相搏名曰濕溫是謂濕邪也

不特此此予素有停飲之疾每至暑

月汗兩足漿漿未嘗乾每服
此藥二三錢即愈以此亦疑

立齋治張縣丞年逾五十兩腿腫脹或生瘡癰小便
頻而少聲如甕出服五皮等散不應掌醫院銀臺
李先生疑為瘡毒令請薛治診其脈右關沈緩此
脾氣虛濕氣流注而然非瘡毒也河間云諸濕腫
滿皆屬於土按之不起皆屬於濕遂投以五苓散
加木香蒼朮亦不應意至陰之地關節之間濕氣
凝滯且水性下流脾氣既虛安能運散若非辛溫

之藥開通腠理行經活血則邪氣不能發散遂以五積散二劑勢退大半更以六君子湯加木香升麻柴胡芍仁兩月餘而愈設使前藥不應更投峻劑虛弱之禍不免矣

高兵部連日飲酒陰挺並囊濕痒服滋陰等藥不應謂前陰者肝經絡脈也陰氣縱挺而出素有濕繼以酒為濕熱合於下焦而然也經云下焦如瀦又云在下者引而竭之遂以龍胆瀉肝湯及清震湯

治之而愈若服此藥不應宜補肝湯或四生散治之

趙大用兩臂腫痛服托裏藥日甚謂腫屬濕痛屬火此濕熱流注經絡也以人參敗毒散加威靈仙酒苓南星數劑漸愈更以四物湯加蒼朮黃柏得便二十餘劑而消又一婦下體腫痛亦與人參敗毒散加威靈仙黃柏蒼朮數服痛減更以四物湯加黃柏紅花防己蒼朮澤瀉三十餘劑亦消

葉巡檢兩腿作痛每痛以即濕布搨之少愈月愈痛甚
夜痛猶劇丹溪云血受熱已自沸騰或涉冷或就濕
取涼熱血得寒汗濁凝澁所以作痛夜痛甚行于陰
也苟痛以冷折之即前所謂取涼之症也以五積散
二劑頓愈更以四物湯加黃柏蒼朮牛膝木瓜三十
餘劑而消夫濕痰濁血注於僻道若非流濕推陳致
新不能廖也如藥蒸菴或用涼藥敷貼或用寒藥降
火反成敗症矣

一男子腿痛筋攣遍身痠軟一道人與疾藥及托裡藥期三日可痊皆不應此非瘡毒大筋軟短小筋寬長此濕熱為患也以人參敗毒散加蒼朮黃柏檳榔木瓜治之少愈更以清燥湯二十帖而痊夫內有濕熱外有風寒當泄不當補反之甘溫之劑必不效矣

張意田治一人時症已二十餘日涼解不愈大便自利不欲飲食舌赤燥硬神清肌削日晡寒熱為瘡無汗診之六脈不浮不沉惟大而緩脇肋邊有痛處按之


在肝位此濕溫病不解結於肝部故寒熱如瘧胃中
津液耗涸則舌燥而赤是邪熱留於心腹胃也用玉
女煎加犀角蒼朮木通一服舌生津液脇痛赤減即
於原方加柴胡數服漸瘳更以補陰全愈

王宇泰曰昔人治濕溫通身皆潤足冷至膝下腹滿不
省人事六脈皆弱而急問所服藥皆陰病等劑此非
受病重藥能重病耳以五苓合白虎十餘劑少甦更
與清燥湯調理而安

未選入

端州太守吳淞巖病幾四十日矣延診告以初時惡心
倦怠食減便溏既而夜不寐躁而數起起而復臥凌
晨必嘔痰數升以為暑而用香薷六一或以為濕而
用草薢五苓或以為瘴而用平胃或以為痰而用二
陳遍嘗無効漸加煩渴與腎氣丸及生脈飲服之轉
劇脈濡而緩右關為甚據脈與症濕熱無疑何諸治罔
效因病人素喜肥甘又飲酒食麵其脾胃如土在雨
中沾漬既久值炎令乃蒸鬱而發故非滲利分清可

愈亦非風行燥散可瘳唯聖术煎一味白术重兩許
酒煎從而治之必應令依法服之再以免絲子五錢
煎飲代茶服至一旬漸瘥半月全愈



續名醫類案卷七

欽定四庫全書

子部

續名醫類案卷八

詳校官太醫院吏目臣周世泰

編修臣倉聖脉覆勘

總校官編修臣王燕緒

校對官中書臣劉源溥

謄錄監生臣陳箴

欽定四庫全書

續名醫類案卷八

錢塘魏之琇撰

熱病

滕曇恭豫章南昌人也年五歲母患熱病思食寒瓜土
俗所不產曇恭歷訪不得俄遇一桑門問其故曇恭
具以告桑門曰我有兩瓜分一相遺還以與母舉室
驚異尋訪桑門莫知所在

南史

鳴診得左寸脈洪大而有力是邪熱客於經絡之中也兩臂外有數二經灌溉通身終而復始蓋手之三陽從手表上行于頭面之間陽併於陽勢甚熾焉故邪熱妄行流散於周身而為熱麻胃熱則虫動虫動則廉泉開故涎下熱傷元氣而為痰涎涎皆隨食入胃慄悍之氣不循常度故多汗心火盛則妄喜笑脾胃熱則消穀善饑肺金衰則聲啞不鳴仲景云微數之脈慎不可灸焦骨傷筋血難復也君奉養以膏梁

之味無故而加以火熖之毒熱傷經絡而為此病明
矣內經云熱淫所勝治以苦寒佐以苦甘以甘瀉之
以酸收之當以黃柏知母之苦寒為君以瀉火邪壯
筋骨腎欲堅急食苦以堅之黃耆生甘草之甘寒瀉
熱實表據此者草可云甘寒五味子味酸止汗補肺氣之不足
以為臣炙甘草當歸之甘辛和血潤燥升麻柴胡之
苦平行少陽陽明二經自地升天以苦發之者也以
為佐以咀同煎清汁服之更繆刺四股以瀉諸陽之

本使十二經相接而瀉火邪不旬日良愈遂名其方

曰清神補氣湯

試効方

張子和曰余向日從軍於江涯上一舟子病余診之乃五實也余自幼讀醫經嘗記此五實之症竟未之遇也既見之人竊私料之此不可以常法治乃大作劑而下之殊不動搖計竭智窮無如之何忽憶桃花夢九頃下七八十九連瀉二百餘行與前藥相兼而下其人昏困數日方已蓋大疾已去自然臥憇不如此

則病氣無由哀也徐以調和胃氣之藥饘粥日加自

爾平復也

五實者脈盛皮熱腹脹前後不通醫閤也

蔣仲芳治蕭氏婦年二十餘素虛弱患熱病將一月一

夕忽瀝生薑燈心湯灌之下咽少頃微動細察之腹

痛甚問其大便云二十日不食亦不行矣以大黃一

兩芒硝五錢桃仁當歸各三錢與之衆駭曰素有弱

症且病久何能堪此曰更有法在強與之遂去黑物

半桶即用人參五錢煎湯補之蓋因素弱急下後不

得不峻補也調理月餘而愈今連生三子此諸醫因其虛而不治其實之悞也

樞密副使耶律斜軫妻有沈疴易數醫不能治耶律敵魯視之曰心有畜熱非藥石所及當以意療因其瞋眦之使狂用泄其毒則可於是令大擊鉦鼓於前翌日果狂叫呼怒罵力亟而止遂愈

遼史見說儲

上洋劉公遠至洞庭山治病病者已氣絕劉曰無恐當即活也但其今夜必欲觀劇又所演必劇武者從之

遂令以羶襦裏病人置場上已而鉦鼓喧沸則病者

欠伸復甦矣

張氏巵言觀其治法與前案頗同則為病亦必彷彿

萬密齋治胡應龍五月患熱病治半月未愈脈弦數鼻

衄三四日一作左脇痛不能側臥先以炒山巵一個

婦人髮同燒存性吹入鼻中而衄止再以當歸龍薈

丸方作湯一劑而脇痛止再診其脈弦去而浮數日

當以汗解蓋衛氣不共營氣諧和者當用桂枝湯以

治其陽今乃營氣不共衛氣諧和則當用黃連解毒湯

合白虎以治其陰使營衛和則得汗而愈也乃以二
湯合煎飲之先告之曰當戰汗勿驚也連進二劑果
汗而愈

胡龍嘉六月病熱身壯熱自汗出大渴喜裏體診其脈
弦大而虛萬為制一方小柴胡內摘柴胡人參白虎
湯內摘知母甘草梔子豉湯內摘淡豆豉共五味淡
竹葉煎名三合湯一劑而愈

繆仲淳治辛衡陽銓部熱病病在陽明頭痛壯熱渴甚

且嘔鼻乾燥不能眠診其脈洪大而實仲淳故問醫
師曰陽明症也白然問投何藥曰葛根湯仲淳曰非
也曰葛根湯非陽明經藥乎曰陽明之藥表劑有二
一為葛根一為白虎不嘔吐而解表用葛根湯今吐
甚是陽明之氣逆升也葛根升散故用之不宜宜白
虎湯加麥冬竹葉名竹葉石膏湯石膏辛能解饑鎮
隆能下胃家痰熱肌解熱散則不嘔而煩燥壯熱皆
解矣遂用大劑與之且戒其仲君曰虜荊非六十萬

人不可李信二十萬則奔還矣又囑曰子時投藥五鼓瘥天明投藥朝餐瘥已而果然或謂嘔甚不用半夏何也仲淳曰半夏有三禁渴家汗家血家是也病人渴甚而嘔是陽明熱邪熾盛劫去津液故渴邪火上升故嘔半夏辛苦溫而燥且有毒定非所宜又疑其不用甘草口嘔家忌甘仲景法也

龔子才治一婦人夏間病熱初用平調氣血兼清熱和解之劑二三服不應熱愈甚舌上焦黑膈間有火嗽

水不嚥診之兩手皆虛微而右手微甚六七日內譫語撮空循衣摸牀惡症俱見後用四物湯加黃耆人參白朮陳皮麥冬知母熟附子服之一二時汗出熱退次日復熱再服仍退又次日復發知其虛劇也遂連進十服皆加附子而安

喻嘉言治王玉原昔年感症治之不善一身津液盡為邪熱所鑠究竟十餘年熱未盡去右耳之竅常閉今夏復病感纏綿五十多日面足浮腫臥寐不寧耳間

氣往外觸蓋新熱與舊熱相合狼狽為患是以難于
去體醫者不察其情治之茫不中竅延至秋深金寒
水令病方自退然淺者可退深者未由遽退也喻曰

面足浮腫者肺金之氣為熱所壅失其清肅下行之

權也

面腫可云足腫則未確
終是陰虛血不配氣耳

臥寢不寧者胃中之津

液枯乾不能內榮其魂魄也

語殊牽強亦由陰虛
肝火浮入胞絡也

耳

間大氣撞出者久閉之竅氣來不覺今病體虛羸中

無阻隔氣逆上冲始知之也

總不外陰
虛二字

外病雖愈而

飲食藥餌之內調者尚居其半特挈二事大意为凡病感之邪熱未退於此而補虛則熱不可除於此而清熱則虛不能任即一半補一半熱終屬模糊不得要領然舍補虛清外熱更無別法當細審之補虛有二法一補脾一補胃如瘡痢後飲食不能運化宜補其脾如傷寒後胃中津液久耗新者未生宜補其胃如傷有霄壤之殊也清熱亦有二法初病時之熱為實熱宜用苦寒藥清之大病後也熱為虛熱宜用甘

寒藥清之

此說極透徹

二者亦霄壤之殊也人身天真之

氣全在胃口津液不足即是虛生津液即是補虛故
以生津之藥合甘寒瀉熱之藥而治感之虛熱如麥
冬生地丹皮人參梨汁竹瀝之屬皆為合法仲景每
用天水散以清虛熱正取滑石甘草一甘一寒之義
也設誤投參耆苓朮補脾之藥為補寧不併邪熱而
補之乎至於飲食之補但取其氣不取其味如五穀
之氣以養之五菜之氣以充之每食之間便覺津津

汗透將身中蘊畜之邪熱以漸運出於毛孔何其快哉人皆不知此理急於用肥甘之味以補之目下雖精采健旺可喜不思油膩阻滯經絡邪熱不能外出久之充養完固愈無出期矣前哲有鑑於止寧食淡茹蔬使體暫虛而熱易出乃為貴耳前醫藥中以浮腫屬脾用苓朮為治以不寐責心用棗仁茯神為治致餘熱糾纏不已總由補虛清熱之旨未明故詳及之

璠按寓意草中多有發前人所未發處至於支離牽強處亦復不少如此案謂感冒後以甘寒清熱最為冒繁然以補脾補胃立論便爾模糊但當云氣虛者宜補氣血者宜補血凡瘡痢後飲食不運多氣虛宜氣分藥如參耆苓朮之類凡感症後津液不充多血虛宜地冬梨竹之屬以感症多餘熱未清也何等明快然猶未免於偏常見痢以下多而亡陰瘡以汗多而耗液飲食難運多由相火盛

而真氣衰非大劑二冬二地投之多見其纏綿不已也至其論面足浮腫臥寐不寧尤屬隔靴搔痒陸養愚治凌比部藻泉暑月榮歸煩勞過度夜間頭痛如破內熱如火不寐汗多小水短赤舌上黃胎右脇脹痛有謂頭痛身熱宜散者有謂煩勞之後宜補者診之見其身熱喘語言間氣之不足以息脈浮數按之不甚有力曰此熱傷元氣也乃以河間桂苓甘露飲加人參一錢服之片時汗止熱減喘定能言再與

一劑昏倦思睡次早脈浮按已平沉按弦而有力此浮熱已除內熱未盡故脇腹尚微痛也與當歸龍薈丸一錢五分空腹服之而後進粥至下午便通而色黑痛即減後以參麥散調理而安

陸肖愚治史洞庭室四月間患頭痛發熱脈洪數見於氣口用清解藥二劑大約柴葛芩苓之類一醫謂頭痛身熱乃太陽症而遽用柴葛不引邪入陽明少陽乎汗未得而遽用芩苓寒涼之品表邪何由而解不

將傳裏乎

以正傷寒論
未嘗不是

用大清龍湯二劑病家止服

一劑夜間遍身如蝦口渴咽乾已有譫語矣明日又

以非傷寒乃痛風也

觀前說其人亦頗閱書而臨症則函莽不堪迨福壽而氣浮歟

抑識淺而
意易移歟

用羌獨活首烏牛膝等二劑乃登高而歌

棄衣而走罵詈不避親疎再求診乃令數婦人繫之

謂洞庭曰此陽症也擾之益劇當以言寬諭之果如

言而止因先用糖水法灌之勢便緩隨以白虎加元

明粉苓連萋仁犀角數劑而罵詈止時或妄言知大

便久不去也以潤字丸三錢投之夜出燥矢約二十枚然謔語猶未全止仍進前湯又以丸藥二錢投之出燥矢數枚糖便少許又三日方思粥飯以清氣養榮湯調理之

呂東莊治吳華厓館僮夏月隨後湖上感熱症下痢膿血身如燔炭

因是熱症否則下痢身熱為不治矣

曰此陽明病也不當

作痢治視其舌必黑而燥夜必謔語果如所言診之則脈已散亂忽有忽無壯類蝦游不可治也吳強之

不得已用熟地一兩生地麥冬當歸白芍甘草枸杞
佐之戒之曰汗至乃活夜來熱不減譫語益狂悖血
痢不下耳服藥後見微汗少頃即止診之脈已接續
分明洪數鼓指曰今生矣仍前方去生地加棗仁山
藥丹皮山萸

加減無
當甚

連服六帖其家以昏熱甚每日

求更方令姑忍定以活人還汝再診脈始斂而圓乃
曰今當為汝去之用四順清涼飲之加熟地一兩大
黃五錢下黑矢數十枚諸症頓愈越二日薄暮忽復

狂譫發熱喘急口渴此欲回陽作汗也與白朮一兩黃耆一兩乾薑三錢甘草一錢歸芍各三錢盡劑汗如注酣臥至曉病霍然已

後有發明節去以其說在語案多有也

琇按先補而下再補而汗治法固善然此症在初時數劑能與天水瀉心並行定不致如許決張

楊乘六族弟患熱症六七日不解口渴便秘發狂踰牆上屋赤身馳驟譫妄罵詈不避親疎覆蓋盡去不欲近衣如是者五日矣時楊以歲試自莒上歸尚未抵

岫病人曰救人星至矣問是誰曰雲峰大兄回來也
頃之楊果至家人咸以為奇視之良久見其面若無
神兩目瞪視其言動甚壯勁有力意以胃中熱甚上
乘於心心為熱胃故神昏而狂妄耳不然何口渴便
秘白虎涼膈等症悉具耶及診其脈豁大無倫重按
則空驗其舌黃上加黑而滋潤不燥乃知其症由陰
盛於內逼陽於外雖壯勁有力乃外假熱而內真寒
也其陽氣大虧神不守舍元神飛越故先遇人于未

至之前遂以養榮湯加附子倍棗仁五味白芍濃煎
與之一劑狂妄悉除神疲力倦熟睡週時方寤渴止
食進而便通矣繼用補中益氣加白芍五味而痊
璠按傷寒門張令韶治一婦譫妄發狂以聲重且
長斷為實熱下之而愈此案亦壯勁有力斷為虛
寒補之而愈第張案則脈伏全無為熱厥也此則
脈空豁無倫為陽越也故臨症者猶不可執一端
以為準的也

朱湘波母病熱症痰盛喘急煩燥口渴喉中如烟火上
攻兩唇焦裂足心如烙小便頻數董安于擬用十全
大補煎送八味丸朱以時方盛暑又係火症不敢服
招楊商之切其脈洪大而數無倫按之虛軟面色游
紅舌上生刺且斂束如荔枝枝曰此腎虛火不歸經脈
從而病反者也當舍時舍症從脈以治之方用八味
飲合生脈散倍加參地附子朱見方論與董合乃出
所擬方示楊楊曰天熱症熱非有灼見何敢用此無

庸疑也乃濃煎探冷與飲而愈

李氏婦年六十餘患熱症胸痛悶神昏沉氣粗便秘發散消導增甚脈之滑數重按有力面色壅熱通紅滿舌黃胎中間焦黑此食滯中宮賁門壅塞太陰之氣阻而不運陽明之氣抑而不伸鬱而為火也以大劑疎肝益腎湯倍熟地與之當晚下黑矢數十塊諸症大減次日再診脈見浮洪舌上焦燥黃胎盡脫而其色反黑如炭問曰症減而色反黑何也曰向者食滯

便秘上下竅不通火悶不舒其燄不能上達今以純陰之劑便得通則壅塞之火隨便泄去而餘火未盡者復炎而上行所以舌反黑耳前方加棗仁當歸山卮以滋水清肝舌黑退再以生金滋水及六君子加歸芍全愈

朱氏媼熱病痞悶眼赤羞明遍身瘡腫大便燥結小水痛澁聞聲則惕然而驚醫與解毒清火導赤十餘劑火益甚不食不眠脈之浮分鼓指沉則緩大兩關洪

軟而遲知其外症悉假火也與參附養榮湯不敢服
楊曰此症本為憂慮所傷致三陰虧損又為寒涼所
迫致虛火游行冲於上則兩目赤澁流於下則二便
艱難乘於外則遍身瘡腫塞於中則胸膈痞悶故其
標則似實熱其本則甚虛寒也若果係實熱何以聞
響則驚寒涼頻進而反甚也藥下咽即卧至五更大
叫餓甚自寅及巳連進粥三次大便秘潤而小水長諸
症悉退原方去附子十餘劑全瘳

張飛疇治一婦寡居五月間忽壯熱多汗煩渴耳朧脇
痛醫用柴葛桂枝等劑其熱彌甚汗出不止胸滿昏
沉時時噫氣診之右脈數大左脈少神舌胎微黑此
伏氣自少陽發出故耳聾脇痛法當用白虎清解反
行發表升越其邪是以熱渴轉甚汗出多故在左脈
無神胃液耗故昏悶胸滿其噫氣者平素多鬱之故
今元氣已虛伏邪未解與涼膈去硝黃易瓜蒌根丹
皮竹葉一服熱減得睡但汗不止倦難轉側或時欲

嘔此虛也以生脈加棗仁茯神白芍扶元斂陰兼進飲
粥以扶胃氣渴止汗斂而脈轉虛微欲絕此正氣得
補而虛火漸息之眞脈也復與四君歸地而痊

柴嶼青治陳勾山與人梁大發疹身熱譫語口渴遺尿

服藥增劇求治兩脈沉伏意其診尚未透擬用消毒
飲子不信勢已瀕危復求診脈尚如故探其舌燥烈

生刺且面垢唇焦始信為伏暑

即伏氣也發於陽
明故現以上諸症

實

熱之症急投白虎湯二劑病解而脈始洪矣故臨症

者脈既難憑猶當察其舌也

王節齋常治一僕人病熱口渴唇乾譫語診其脈細而遲用四君子湯加黃耆當歸白芍熱附子進一服熱愈甚狂言狂走或曰附子差矣診其脈如舊仍增附子進一大服遂汗出而熱退脈還四至矣

一婦人亦夏間病熱初用平調氣血兼清熱和解之劑服二三服不應熱愈甚舌以焦黑膈間有火噉水不嚥診其脈兩手皆虛微而右手微甚六七日內譫語

撮空循衣摸牀惡症俱見後用四物湯加黃耆人參
白朮陳皮麥冬知母熟附子服之一二時汗出而熱
退次日復熱再服仍退又次日復發知其虛極也遂
連進十服皆加附子而安

陳三農治一人身大熱兩目出火口舌乾燥手足欲以
水浸不避親疎服豁大服黃連解毒湯益甚此心之
脾胃而心氣耗散故耳遂用炒黑乾薑一兩人參三
錢白朮一錢不用甘草者恐生者瀉心氣灸者緩中

致脾胃中火邪不得發散也三味煎服不逾時引被
自蓋戰汗出而愈夫乾薑微炒溫中炒黑涼腎止瀉
張玉路治童姓者伏氣發於盛暑診時大發躁擾脈皆
洪盛而躁其婦云大渴索水二日不敢與飲故發狂
亂因令速與連進二蓋稍寧少頃復索又與一大蓋
放蓋通身大汗安睡熱除不煩湯藥而愈同時有西
客二人亦患此症皆與水而安

薛立齋治一男子盛暑發熱胸背皆疼痛飲湯自汗用

發表之藥憤譖語大便不實吐痰甚多用十全大補
一劑頓退又用補中氣加炮薑二劑而愈

王肯堂治余雲衢太史形氣充壯飲啖兼人辛卯
夏六月患熱病肢體不甚熱而間揚手擲足如
躁擾狀昏憤不知人事時發一二語不了了而
非譖語也脈微細如欲絕有謂是陰症宜溫者
有謂當下者時座師陸葵曰先生與曾植齋馮
琢庵二太史皆取決于王王謂是陽病見陰脈

法在不治然素稟如此又值酷暑外熾酒炙肉
炙宜狂熱如焚不大便七日矣姑以大柴胡湯
下之時用熟大黃二錢而太醫王雷菴力爭以
為太少不若用大承氣王曰如此脈症豈宜峻
下待大柴胡不應而後用調胃承氣再不應後
用小承氣以及大承氣未晚也服藥大便即行
脈已出手足溫矣乃謂雷菴日設用大承氣寧
免噬臍之悔哉繼以黃連解毒湯數劑而平七月初遂

與陸先生同典試南京不復發矣明年王請告歸里
偶得劉河間傷寒直格論讀之中有云畜熱內甚脈
須疾數以其極熱畜甚而脈道不利反致脈沈細欲
絕俗未明造化之理反謂傳為寒極陰毒者或始得之
陽熱暴甚而便有此症候者或兩感熱甚者通宜解
毒加大承氣湯下之下後熱少退而未愈者黃連解
毒湯調之或微熱未除者涼膈散調之或失下熱極
以致身冷脈微而昏冒將死者若急下之則殘陰暴

絕而死蓋陽氣後竭而然也不下亦死宜涼膈散或黃連解毒湯養陰退陽積熱漸以宣散則心胸再暖脈漸以生然後撫卷而歎曰古人先得我心矣余太史所患正失下熱極以致身冷脈微而昏冒欲絕也下與不下大下與微下死生在呼吸間不容髮嗚呼可不慎哉宜表而出之以為世鑒

馬元儀治馮太史因客邸無聊挾妓為樂值內虛之際又苦暑熱因而晝夜發熱煩渴引飲焦躁不寧脈之

細數而急尺帶弦神氣不清此房勞過度真陰受虧
陽往乘之也且煩渴身熱神昏火邪內擾外淫已極
當此盛夏火炎土燥垂絕之陰其足以供燔灼者幾
何若不急救其陰大事去矣用生首烏二兩為君以
救肝腎之陰佐以黃連知母柴胡黃芩枳殼半麴橘
紅杏仁熱化痰之品一劑而神氣清再劑而大便秘
熱解大半再以人參製首烏鱉甲丹皮白芍甘草調
和陰陽之劑而退熱又以人參逍遙散而安

張意田治角江焦姓人七月間患壯熱舌赤少腹滿悶
小便自利目赤發狂已三十餘日初服解散繼則攻
下俱得微石而病終不解診之脈至沈微重按疾急
夫表症仍在脈反沉微者邪陷入於陰也重按急疾
者陰不勝其陽則脈流薄疾并乃狂矣此隨經瘀血
結於少陽也宜服抵當湯乃自為製蟲虫水蛭加桃
仁大黃煎服服後下血無算隨用熟地一味搗爛煎
汁時時飲之以救陰液候其通暢即用人參附子灸

草漸漸服之以固眞元共服熟地二觔人參半觔附
子四兩漸得平復

施笠澤治孝廉唐後坡長公病寒熱面赤頭齒大痛診
之脈洪而數此熱病也當用白虎湯每劑石膏一兩
一劑而頭及齒痛俱已寒熱亦除但脈尚搏指曰須
仍前再進一劑不然兩日後定發癰矣乃疑而謀之
嵩科曰是何斗胆也石藥豈堪重劑乎置不服半月
後復求治云兩日後果發癰癰十日不解解後身猶

灼熱曰曲突徙薪其有功乎投柴苓芍藥湯一劑而熱退後用參朮調理而痊

友人章深之病心經熱口燥唇乾百藥不効有教以犀

角磨服者如其言飲兩碗許症頓愈

遊宦紀聞
宋張世南

凌表姪年二十餘丙子患熱症初愈醫即與四君乾薑已戟諸氣分溫補藥久之益覺憔悴瘦壯若顛狂當食而怒則嚙蓋折筋不可遏抑所服丸藥則人參養榮也沈綿年許其母問予予曰此餘熱未清遽投溫補

所致與甘露飲方令服十餘劑遂痊甲申夏復患熱
症嘔惡不眠至七日擬用白虎湯以先日服犀角地
黃而吐疑為寒不敢服延一盧醫至診其脈伏按其
腹痛謂此症非外感也脈已全無危險甚矣姑與
回陽得脈復乃佳所用胡盧巴吳茱萸肉桂乾薑木
香小茴香丁香青皮橘核等約重三兩餘令急煎服
蓋是日夜半當戰汗故脈伏而厥痛彼不審以為寒
症也乃用此方黃昏服下即躁擾煩渴揚手擲足譫

語無倫汗竟不出蓋陰液為躁熱所劫不能蒸發矣
侵晨再亟診脈已出且洪數而目大皆及年壽間皆
迸出血珠鼻煤唇焦舌漸黑小便絕無今以鮮地黃
四兩搗汁一茶盃與之飲下即熟睡片時醒仍躁擾
再與白虎湯加鮮地黃二兩煎服熱漸退神漸清次
日漸進粥二白睛赤如鳩目繼而口鼻大發瘡瘍改
與大劑甘露飲二十餘日始便黑糞甚夥猶時時煩
擾服前方至五十餘日忽大汗自頂至足極臭自是

金麥

燥

張子和治陽夏胡家婦手足風裂其兩目昏漫張曰厥陰所致至為壅又曰鳴素啟折皆風之用風屬木木鬱者達之達為吐也先令涌之繼以調胃承氣湯加當歸洗之立效

喻嘉言治葉茂卿子出痘未大成漿其殼甚薄兩月後尚有著肉不脫者一夕腹痛大叫而絕令取梨汁入

溫湯灌之少甦頃復痛絕灌之又甦遂以黃芩二兩煎湯和梨汁與服痛止令製膏子藥頻服不聽其後忽肚大無倫一夕痛叫小腸突出臍外五寸交組各二寸半如竹節壺頂狀莖撈絞摺長八九寸明亮如燈籠此實未經聞見以阿膠黃芩二味日進十餘劑三日後始得小水五日後水道清利臍收腫縮而愈門人駭問荅曰夫人一身之氣全關於肺肺清則氣行肺濁則氣壅肺主皮毛痘不成漿肺熱而津不行

也穀著於肉名曰甲錯甲錯者多生肺癰癰者壅也
豈非肺氣壅而然歟腹痛叫絕者壅之甚也壅甚則
并水道亦閉是以其氣橫行于臍中而小腸且為突
出至于外腎弛長尤其刺事耳用黃芩阿膠清肺之
熱潤肺之燥治其源也氣行而壅自通源清而流自
清矣緣病已極中之極惟單多用可以下行取効故
立方甚平而奏功甚捷耳試以格物之學為子廣之
凡禽畜之類有肺者有尿無肺者無尿故水道不利

而成腫滿以清肺為急

肺主道調水道又水出高原故謂之化源

此義前

人聞發不到後之以五苓五皮八正等方治水者總之未悟此旨至於車水放塘種種却奪膀胱之劑則殺人之事矣可不審哉

趙我完次子秋月肺氣不能下行兩足腫潰而小水全

無

肺氣敗者多此二症

臍中之痛不可名狀以手揉左則攻於

右揉右則痛攻於左當臍揉熨則滿臍俱痛叫喊不絕利水之藥服數十劑不効用數臍法及單服琥珀

末兩亦不效診時彌留已極無可救藥矣傷哉

呂東莊治徽人江仲連冒寒發熱

火為寒邪所鬱

兩頰擁腫如

升子大

狀類雷頭風俗名雷頭風

臂膊磊塊無數不食不便狂燥

發渴診其脈浮數無序醫作傷寒發毒治呂曰誤矣此燥逐風生也用大劑疎肝益腎湯熟地加至二兩五劑而腫退便解十劑而熱除進食再用補中益氣湯加麥冬五味而痊

陸肖愚治李安吾姪年十三大腸燥結不時脫肛鼻中

結塊不時出血平日喜讀書病由辛苦而得每勞則發久治不效診之骨瘦如柴面紅身熱其脈細數曰此天稟燥火之症若破身後則成勞怯矣急宜治之戒厚味節誦讀庶可療也用天麥冬各一觔生地半觔人參四兩即加減三才膏也服一料其發甚稀至三料將一年全愈

萬密齋治一女年十四歲病驚風後右手大指次指屈而不能伸或用羌活防風天麻全蝎僵蠶蟬蛻諸

風藥治之病益甚曰手足不隨血虛也伸而不能屈者筋弛長也屈而不能伸者筋短縮也皆血虛不能養筋之症也手大指者太陰肺經之所主也次指者陽明大腸之所主皆屬燥金此血燥之病也一切風藥助風生燥致血轉虛而病轉盛用黃耆人參天麥門冬生熟地黃當歸各等分官桂減半為引經橫行手指之端共為末蜜丸芡寔大每一丸食後湯化下馬元儀治周君開病經一月口燥咽乾胸滿不能飲食

二便俱閉診其脈虛而且澁此少陰客熱腎經虛燥也腎開竅于二陰腎陰既虧竅不滑澤所以二便俱閉少陰之脈循喉嚨挾舌本腎熱則經絡亦熱所以口燥咽乾腎者胃之關也關門不利胃氣亦阻之阻所以胸滿不能飲食當用仲景猪膚湯治之夫猪水畜也其氣充入腎膚味甘寒能解少陰客熱故以為君加白密以潤燥除煩白粉以補虛益氣二劑熱去燥除便調食進而愈

薛立齋治周上舍脾胃虛服養胃湯枳朮丸初有效而
久反虛口舌生瘡勞則愈盛服敗毒藥則嘔吐此中
氣虛寒也以理中湯治之少愈更以補中益氣湯加
半夏茯苓月餘而平夫養胃湯香燥之藥也若飲食
停滯或寒滯中州服則燥開胃氣宿滯消化少為近
理使久服則津液愈燥胃氣愈虛况胃氣本虛而用
之豈不反甚其病哉

一男子兩掌每至秋皮厚皴裂起白屑內熱體倦此肝

脾血燥故秋金用事之時而作用加味逍遙散加川芎熟地三十餘劑而愈再用六味九加五味麥冬服之半載後手足指縫臂腿腕皮厚色白搔之則木久服前藥方愈

一婦人素晡熱月經不調先手心赤痒至秋兩掌皮厚皴裂時起白皮此皆肝脾血燥用加味逍遙散加荆芥釣藤鉤川芎熟地五十餘劑又用歸脾湯二十餘劑乃服六味九而不再發

蔣仲芳治表弟韓貞女幼年守節勤孝清苦茹素誦經以故氣血素少而色不榮乙巳春忽冒風寒胸腹脹入夏則胸脇刺痛背如負石百治無效至秋末冬初則覺腸細如綫粒米入胃左盤右旋其行如飛窄澁異常痛苦難伏遇節氣則病劇診之右脈疾左脈濇曰疾者氣燥澁者血虛血虛則津液乾而腸胃收小宜其窄澁也氣燥則其行速速則米粒不安宜其如飛也遂用當歸五錢酒炒白芍二錢川芎一錢

以補血為君惟其緊寬以七分服皮惟其澀利以一錢滑石惟其乾潤以二錢蘇子惟其疾緩以二分甘草四劑后諸病漸減至五六十劑榮氣始通膏子丸藥調養年餘方有起色

火

楊思蘭治一婦人患渾身倦怠呵欠口乾飲冷一月不食強之數粒而已有以血虛治之者有以氣弱治之者有知為火而不知火之原者用藥雜亂愈治愈病

自夏至冬覺微瘥次年夏諸病復作甚於前肌消骨
露診得三焦脈洪大侵上脾肺二脈沉細餘皆和平
曰此肺火病也以卮子湯飲之進二服即知饑者喜
食旬日氣體充實如常後因久病不孕衆皆以為血
虛而用參耆為君大補之劑胸膈飽脹飲食頓減至
三月經始通下黑穢不堪或行或止不得通利治以
順氣養榮十數劑一月內即有孕夫火與元氣不兩
立倦怠者火耗其精神也呵欠者火鬱而不伸也口

乾飲冷者火熾於土也飲食不進者火格於中也肌
消骨露者火氣消燍也至經水過期而多其色紅紫
肝脈有力乃氣滯血實也非順氣調經清火氣血何
由而平妊娠何由而得哉

孫文垣治從孫君錫頭痛胸背脹飲食下膈即吐

諸逆
衝上

皆屬
子火

咳嗽不住口痰濁如膿大便秘結脈之右寸獨

洪大

皆金受火
剋之候

以二陳湯加竹茹滑石石膏黃連棗

冬連進四劑夜與益元散兼服

益元能清六府之火
然不宜與大便秘結

之咳嗽俱止惟痰濁如膿色且腥氣觸人此將作肺癰改用丹皮麥冬山巵甘草貝母枳殼桑白皮紫菀知母當歸生地桔梗服四劑全愈

楊思蘭治一士人素耽詩文夜分忘寢勞神過度忽身熱煩渴自汗惡寒四肢微冷飲食少減初以為外感先發散次和解不應又用補中益氣湯加參二錢踰月諸症仍前一日午後發熱忽耳聾不知人恍惚譫語或謂少陽症也宜小柴胡和之易診之六脈皆洪大

無力曰非少陽症乃勞神過度虛火症也不信遂以
小柴胡去半夏加花粉知母楊謂服此必熱愈甚當
有如狂症作已而胸如火炙刀刺發狂欲走飲冷水
一盞始定復求治以人乳並人參湯與之當日進四
服濃睡四五時病減半次日又進四服六脈歸經沉
細有力終夜安寢諸症悉除或曰是症人謂傷寒今
作虛火何也曰傷寒自表達裏六日傳遍經絡復傳
至二十一日外雖有餘症亦從雜病論今病已二月

豈可以傷寒論乎况少陽之脈弦長有力今浮洪滿指而無力豈少陽脈耶蓋平日勞神過分心血久虧肝脾亦損陽氣獨盛氣即火也經云壯火食氣火與元氣不兩立于是水涸火勝之病作矣傷寒云乎哉夫小柴胡乃治少陽實症今陰虛病而以此瀉之則元氣愈虧陰火愈熾故知其當發狂也又補中益氣湯補陽者也陰虛而補陽陽愈盛而陰愈虛所以不効今用人乳者以真血補真水又以人參薰引散於

諸症以濟其火與他藥不同故見效猶速也

龔子才治管藩相夫人每至夜半不睡口乾煩渴吐黏痰必欲茶水嗽口舌上赤黑皮厚胸痞嘈雜飲食少思脈之兩寸洪數兩尺空虛右氣口盛此上盛下虛血虛氣鬱而有火也以四物湯加生地黃連麥冬知母貝母花粉元參梔子桔梗枳實青皮甘草數臍奏功又以六味丸加生地麥冬知母元參花粉貝母五味黃連一料全安

陳三農治一士人素好滋補之劑久之致口舌乾燥腦後作痛神思不爽飲食減少食肉則瀉六脈實大作實火治以知柏連卮赤芍甘草一劑而胸次爽豁痛瀉俱止再劑飲食倍加精神頓長諸症悉愈書此以爲無病好補之戒

陸養愚治董龍山妾每小腹氣上衝則熱壅頭面臥不能寐身戰慄日中發熱無常至四鼓五鼓其熱更甚熱時腹中有塊升起經期叅前而淋漓數日飲食過

於平時而肌肉消瘦或作陰虛發熱治之數月不效
脈之數而弦左關尺為甚曰此肝胆病也胆主決斷
謀慮不決則木氣鬱而成火故於少陽初動之時其
熱更甚也因胆之氣既鬱而成火則肝之血亦滯而
成癥瘕非血不聚非火不升今塊之上升熱之上壅
即經所謂諸逆衝上皆屬於火也第初病止在無形
之氣但調其氣而火自息今兼在有形之血必先去
瘀令有形消而後無可調也適在經行之際乃以女

金丹連服去瘀塊甚多後以達氣養榮湯盡其舊以生其新數劑諸症漸愈再用檳榔加人參數劑而肌肉漸長矣

張玉路治張太史虛火症脈之右關氣口獨顯弦象右尺微數餘皆微細搏指蓋陰火內伏也緣勞心太過精氣滑脫加以怵惕恐懼怔忡驚悸醫唆用人參桂附初稍可交春復劇如前仍用參附導火歸元固飲精氣之藥轉劇

凡陰虛病初服桂附有小効久服則陰竭而脫余目擊者百十人矣

稍用心則心系牽引掣痛痛連脊骨對心處或時痛
引膺脇或時顛頂如掀或時臂股爪甲皆隱隱作痛
怔忡之狀如確杆如牽繩如簌物如綳絹如以竹擊空
控引頭中如失腦髓夢寐不寧達旦倦怠睡去便欲
失精精去則神魂如飛越觀其氣色鮮澤言談疊疊
總屬真元下脫虛陽上擾之候

其人本病三陰虛損
候以參附熟補遂至

變病
逢起

細推脈症其初雖屬陽氣虛脫

著此一語
便於此道

未

徹而過餌辛溫之劑致陽亢而反耗真陰當此急宜

轉關以救垂絕之陰庶可挽回前過為疏二方煎用

保元合四君丸用六味合生脈

此時却宜二地二冬
妙參杞子少加川連

養仁養陰魚解鬱之法俟元氣大復然後議補乃為
合法六味生脈當為後勁若保元四君則仍魯衛之

政服及兩月諸症稍平但倦怠力微因自檢方書得

補中益氣湯為夏月當用之劑於中加入桂附二味

一啜即喉痛聲瘖

用補中益氣
者宜著眼

復邀診見其面顏精

彩聲音忽瘖莫解其故詢之知為升柴桂附擾動虛
陽所致即以前方倍生脈服之半月後聲音漸向安

但衣被過暖便咽乾痰結稍涼則背微惡寒或熱飲則大汗時怔忡走精此皆宿昔過用桂附內伏之熱所致也適石門董某謂其伏火未清非苓連不解散自仲春至初夏純服苦寒

亦大
庸手

初甚覺爽朗至是反

覺精神散亂氣不收攝後仍用六味合生脈經歲服之以化桂附餘毒云

內翰孟端士之母虛火不時上升自汗不止心神恍惚飲食不能食欲臥不能臥口苦小便難溺則洒淅頭

暈丸醫每用一藥輒增一病用白朮則室塞脹滿用
橘皮則喘息怔忡用遠志則煩擾悶熱用木香則腹
熱咽乾用黃耆則迷悶不食用枳殼則喘咳氣乏用
門冬則小便不禁用肉桂則顙脹欬逆用補骨脂則
後重燥結用知柏則小腹枯癯用苓朮則臍下築築
少腹愈覺收引遂致畏藥如蠍惟日用人參錢許入
粥飲和服聊藉支撐交春虛火倍劇火氣一升則周
身大汗神氣駸駸欲脫惟倦極少寐則汗不出而神

氣稍寧覺後少頃火氣復升汗亦隨至較之盜汗迥殊診之其脈微數而左尺與右寸倍於他部氣口按之似有似無此本平時思慮傷脾脾陰受困而厥陽之火盡歸於心擾其百脈致病病名百合此症惟仲景金匱言之甚詳原云諸藥不能治所以每服一藥輒增一病惟百合地黃湯為之耑藥奈病久中氣虧之復經藥誤而成壞病姑用生脈散加百合伏神龍齒以安其神稍兼茱連以折其勢數劑少安即令勿

藥以養胃氣但令日用鮮百合煮湯服之交秋天氣下降火氣漸伏可保無虞迨至仲秋果勿藥而愈

喻嘉言治吳添官因母久病初愈自患腹痛徹夜叫喊

不絕小水全無

知為火
鬱之痛

以茱連加元胡索投之始安

又因傷食反覆病至二十餘日肌肉瘦削眼胞下陷

適遭家難症變壯熱目紅腮腫全似外感有餘之候

知其為激動其火上焚令服六味加知柏二十餘劑

其火始退後遍身瘡痍黃腫

燥火反
類濕熱

腹中急欲得食

不能少耐片時鎮日哭煩

臟燥者多哭泣

慰之曰旬日後腹

稍充氣稍固即愈矣服二冬膏而全瘳

朱丹溪治一人小腹下常唧唧如蟹聲作陰火處治用

敗龜板

用酥炙鹽酒炙亦得

側柏

用酒九蒸九焙

黃柏知母

俱酒炒

川芎

酒製

當歸

酒浸

右各等分酒糊丸每服八十丸淡鹽湯送

下

陸祖愚治符卿夫人素有痰火症再遇經行一日覺澁滯二日即洶湧三日大下如崩或昏暈幾絕嘗喜怒

發即咽喉乾燥氣出如火痰涌胸塞不能轉舒其平
日辛燥之品如陳枳前朮及芎歸之類稍用即暈眩
氣絕不足以息及寒涼稍過即大便作泄病作時日
進粥十餘碗不覺飽脈之左三部弦細而駛右脈數
而稍充曰此血虛甚故狂火偏旺如此而氣原非有
餘也此時養血則血一時不能充補氣則浮火無由
熄莫若分上下為治入人參於滋陰藥中為丸引陽
入陰以扶生氣之原所以治其本也再用清涼以為

煎劑助陰抑陽以制浮游之火所以治其標也煎九間服而愈九方人參二地二冬知柏阿膠杜仲煎方花粉元參二母苓苓地芍麥冬甘草隨症加減夫天地之間陽常有餘陰常不足人身之中氣常有餘血常不足氣有餘便是火血不足則陰虛三十以前精神氣血日漸旺盛三十以後日漸衰微語曰陰陽水火猶權衡也一高則一下一盛則一衰又曰火與元氣不兩立故凡火盛之症必先陰虛而後元氣亦弱

也

朱丹溪治一人夜間發熱早晨退五心發熱無休六脈沉數此鬱火也用升陽散火湯熱退以四物加知柏佐以乾薑調理而安

東垣治一人惡熱目赤煩渴引飲脈七八至按之則散此無根之火也用薑附加人參服之愈

劉彥純治一人不能食而熱自汗氣短不食而熱脾陰弱也自氣短肺氣虛也以甘寒之劑補氣瀉火而安

琇按治法只從壯火食氣四字得之

薛立齋治一婦人口苦脇脹此肝火之症也用小柴胡加山巵黃連少愈更以四君子加白芍當歸柴胡調補脾胃而痊

一婦人每怒口苦發熱晡熱此肝火盛而血傷也以小柴胡合四物湯二劑以清火而生血更以四物加柴胡白朮茯苓丹皮生血健脾而愈

一婦人每怒則口苦魚辣胸痛脇脹乳內或時如刺此

肝肺之火也用小柴胡加山梔青皮芎歸桑皮而安
後又勞怒口復苦經水頓至此屬內火動血得熱而
妄行用四物加炒苓炒梔胆草一劑而血止更以加
味道遙散而愈

張玉路治徐君玉素稟陰虛多火且有脾約便血症十
月間患冬溫發熱咽痛里醫用麻杏橘半枳實之屬
遂喘逆倚息不得臥聲颯如啞頭面赤熱手足逆冷
右手寸關虛大微數此熱傷手太陰氣分也與薑豉

甘草等藥不應為製猪胃湯一甌命隔湯頓熱不時
桃服三日聲清終劑病如失

朱丹溪治施卜年四十因灸火太多病腸內下血糞肚
痛今痛自止善嘔清水食不下宜清胃口之熱黃芩
甘草茯苓各五分陳皮地黃各一錢連翹白朮各一
錢五分生薑三片

楊乘六治姚又曾病感症

二字在此案却不必泥

外涼內熱肢冷

口渴痞悶昏沉語言謔妄不食不便

婦人產後血虛火盛者猶多此

症不必有
所感也

醫作肝經鬱火治用逍遙加生地薄荷兩劑益煩燥不安脈沉伏按之至骨則細有力面黑滯舌黃燥乃遏陽明胃陰不能克拓所以脈與症皆內顯陽微外呈陰象也或問症既火遏法宜疎散乃服前劑轉劇何也曰逍遙中柴胡薄荷風藥也單走肝胆若陽明病用之則火得風而亦熾矣第用左歸飲去茯苓以滋味陰加生地當歸以清胃火症自平耳如言病減數劑而痊後數年病復如前醫見身涼脈

細用左歸飲加附子則神清昏憤狂擾不寧即前方去附子加粉花一劑而安乃去花粉數劑而愈

龔子才治一人頭痛發熱眩暈喘急痰涎涌盛小便頻數口乾引飲遍舌生刺縮斂如荔枝下唇焦裂面目俱赤煩燥不寐或時喉間如烟火上衝急飲涼茶少解已瀕於死脈洪大而無倫且有力捫其身烙手此腎經虛火游行于外投以十全大補加山萸澤瀉丹皮山藥麥冬五味附子一鍾

必酒
冷服

熟睡良久脈症略

減三四再以八味丸服之諸症悉退後畏冷物而痊
薛立齋治李閣老序菴有門生饋坎離丸喜而服之曰
前丸乃黃柏知母恐非所宜服者內經有云壯火食
氣少火生氣今公之肝腎二脈數而無力宜滋化源
不宜瀉火傷氣也不信服將二月脾氣漸弱發熱愈
甚小便澀滯兩拘腫痛公以為瘡毒曰此肝腎二經
虧損虛火所致耳當滋補二經為善遂朝用補中並氣
湯夕用六味地黃丸諸症悉愈嘗見脾胃虛弱肝腎

陰虛而發熱者悉服十味固本丸與黃柏知母之類
反泄眞陽令人無子可不慎哉

一男子口舌糜爛津液短少眼目赤小便數痰涎壅盛
脚膝無力或冷或午後足熱勞而愈盛數年不愈服
加減八味丸而痊

一男子咳嗽喘急發熱煩躁面赤咽痛脈洪大用黃連
解毒湯二劑少退更以卮子湯四劑而愈

蔣仲芳治楚中一商性急而初嗜烟閱三日五心發熱

咳嗽大作百藥不愈診之六脈俱洪火症也莫非煙
毒乎其人亦悟曰吸煙則嗽愈甚遂以麥冬知母山
梔花粉黃芩蘇子甘草萎仁枇杷葉煎成去渣入砂
糖一兩和服四劑而愈

聶久吾曰予稟素弱神雖強而精甚弱脾腎兩虛即節
慾猶然二十前後常服參朮等補脾而僅免於病至
三十後脾胃稍可頗覺上膈有熱時齒痛口舌痛每
服清上藥輒愈亦不為大害也至乙未春夏自察脈

覺兩尺弱而寸關亦不晤疑下虛水不能制火宜補
下滋水以制之若但清上非治本也商之饒姓老醫
亦以為然遂用人參當歸熟地茯苓五味石棗肉巴
戟故紙肉蓯蓉鹿膠仙茅遠志棗仁天麥冬枸杞兔
絲之類以山藥末酒糊為丸服至兩月上膈虛火
盡除口齒等病不復作自後滋補丸藥服無虛日迄
今二十餘年無虛火者滋水制火之功也

可與虛門
黃履素按



續名醫類案卷八